

徐仙翰藻

五
卿



徐仙翰藻卷之十


祈安詞四道

伏以仲春二月厥民析度彙咸新昊天上帝
不我遺一心可格情同衆懇聽徹九重伏念
某等螻蟻偷生蚍蜉知感林林摠摠雖托居

第五

覆載之間擾擾忽忽未免有是非之
於心知過者鮮稽之於事作孽者多
懼之私敢賴熏修之力伏願上下神祇鑒厥
德左之右之士農工賈樂其生庶矣富矣

又



伏以小民無知常有徬福假靈之請上帝臨
汝必無賞功罰禍之私苟不我欺所助者順
伏念 等依山築室鑿隴為田鳥星畢見於
仲春始勤東作犬吠相聞於四境願見太平
自知食力之艱難敢弗罄誠而醮謝雖坐井
之蛙難語以大然戀金之蟻可憐其生伏願
或耜或耘自今以始歲其有曰安曰富凡情
所欲天必從更冀牛畜之生成實荷鴻恩而
覆育

又

伏以民情可見視聽近而自民帝命不違齋
沐可以祀帝拳拳有請赫赫如臨伏念 等
釜蟻貪饕井蛙寡陋托生由十未能人事以
稱心適逢上元尚冀天官而賜福特憑羽士
宣演真科上干斧鉞之嚴下及芻蕘之聽維
今時尚不知音幸汚俗可與惟新伏願申之
伯甫之候後有興者彭之壽陶之富諒必從
之凡諸動履之間實荷生成之德

又年六十遇生日建

伏以道常與善須明善善之因情所欲安已

遂安安之願敬憑羽士騰進墨詞伏念某言
無足稱年方耳順昨有采薪之疾今蒙勿藥
之功况當十月之交恰逢初度實荷維天之
命敢負前盟冀晚節而康莊罄誠心而昭謝
功德可稱量也少儀寅畏之恭祖考既安樂

卿五

二

之不昧追修之敬仰祈輔佑俯賜證明

謝恩詞女人預修

伏以禮煩則亂惟至誠可以感神天誘其衷
曰積善必有餘慶仰干穹聽俯露柔情伏念
妾某四德不全多言何益字未明於三豕適

當逾六望七之年聲可謂於一蠅誠恐自再
至於三之瀆脫簪待罪歛衽陳詞懺除已往
之愆修作方來之福更冀億曾受度名隸韓
君之司三壽作朋願得魯侯之頌

預修詞

婦人建黃籙誥簡

伏以性有進善進惡婦之愚可以與知情所
欲壽欲安天之祐吉無不利俯慙長吉仰瀆
威顏伏念妻某愆界牽禳塵凡泪沒色聲五
漏豈無獲戾之由鬢髮半斑幸遇始生之歲
兢惶罔措懺謝未能敬涓二月初吉之辰祇

奉三界盟真之典預修福果冀沐恩庥薦及
主君少篤抱衾之愛光延老景更祈戲綵之
娛

賽醮詞

伏以歲逢初度適當六十之期情難上通未

卿五

三

免再三之瀆禮不可闕時然後言伏念某老
耄無能昏迷未悟適有馬牛之賤疾實切呼
天今如螻蟻之偷生豈勝感地雖善念既形
諸口幸明神為鑒此心俯伸昭謝之私仰瀆
高明之聽功德滿就榮書金籙白簡之名富

壽康寧用錫洪範箕疇之福更祈後代有光
前人

又為父賽許保安祖母



伏以知恩必知報皇天后土實聞斯言事死
如事生孝子順孫當竭其力特憑清醮僭瀆
真旂伏念某四歲而孤三遷有教昔因祖母
得膏肓難瘵之疾惟我先君深焚溺莫救之
憂雖屢禱于神祇何返罹於禍變不幸短命
死矣則已垂涕道之有願未償莫知所以幸
數年而使我不知之覺平吾心而勿累于其初

逝者如斯早諧韓君好生之業終焉有養願
歌魯侯壽母之詩

又為妻

伏吕病則呼天誠有不得已者夢兮為厲亦
求其所以然俯瀝丹忱仰干蒼聽伏念某命

纏中斗事作參商慨門戶之艱難何人口之
坎呵獸不失麗豈無俗徃之情膠可續絃未
免從新之好雖有粉黛畫眉之醜胡為弓箭
射胷之妖或者綿蘆之憎愛不同是致藥石
之攻理少效遂許以靈濟真人宣演九真之

懺願得此太乙天尊廣發大慈之心用釋冤
愆以度苦厄嗟尔前室早成黍尾之因保我
後人永奉採蘋之職

又

伏以天明畏明威於視聽豈無耳目事有非

卿五

四

有是毋盟詛要之鬼神豈其然乎可謂愚也

伏念某嘻嘻失節蠢何知寇禦重關聲不可

聞於吠犬婦言長舌誠可誚於牝鷄醮所當

還理宜自責或者患生所忽莫謂不平則鳴

福善禍淫甚如影響之速解冤釋結幸存懺

悔之科

又



伏臣天不可欺高其目而下其耳人有所忿
發諸心而形諸言豈得已哉求其故也伏念
某為人者以時思之念我先君素得守株之
拙豈期陰賊反罹下石之憂翹于上帝以决
是非果然官司幸然明白自慚褻瀆敢負擔
盟愧惟弊止之卑污敬就清堂而醮謝勉強
之情未償萬一因循而後又恐二三過可自
新有如日月既食之復明將何益庶無春秋

直筆之譏

建玄都壇詞

伏以壬戌之秋七月既望恭迎地官校錄之
辰天之命下民有嚴先盡人事齋明之敬具
陳芳蓆少寓菲誠伏念某等血氣均生髮膚

卿五

五

遺體果能犬馬之養敢忘烏鵲之情逝者如
斯訛作招魂之些過而能解常聞反掌之間
恭按玄科肅延羽士修諸功德作此因緣伏
願三官北酆明檢鬼營疾除罪簿億魯萬祖
飛昇金闕各有生門普及沉迷俱登快樂

禳災詞

伏以和氣祥乖氣異天難測而靡常福道長
陰道消日可期於來復俯輸卑陋仰瀆高明
伏念某等幸獲安全莫能守助雖衆命有禳
災之請在小人知耻過之非莫我敢葵徒有
淵水之恐云如何里少涓沼沚之恭爰集道
流具嚴法事念民情之易見幸帝怒之可回
伏乞化沴為和罔有祀寒之恐俾壽而富尚
祈降福之多

保福詞



伏以天道不言而善應嘗輸懇禱之誠人心
所欲則必從果獲感通之意銘心知愧仰德
殊深伏念某惟神是依無功可述重獲天恩
之侈荐膺師寵之榮昨托陳道興為龍虎之
行果蒙巨庇今與郭泳翁効昨蛭之報不食

前言雖是民望之所歸敢謂帝力而何有更
冀錫以圭瓚上而待詔於紫微饗以粢盛下
可妥靈於清廟

建普度詞

伏以天尊說教指明濟度之方人子思親首



嚴孝敬之道俯陳丹懇仰瀆蒼穹伏念某托
在塵凡幸逢末劫念我生我鞠尤深覆之恩
然若存若亡可恨幽明之隔特憑羽士爰舉
真科今則宿啓於玄壇欲以上通於帝闕少
憐懇切大作證明吉慶難言十方數衆之來
監度生死蒙惠千九百人之共傾心遍及冥
塗俱登道岸

又
卿五

六

伏以天聽無私少鑒愚衷之萬一禮煩則亂
深虞重瀆之再三母迺自獲戾乎誠有不容

已者伏念其蠢蚊處性螻蟻偷生各具人心
豈無善念適遇中元節預先八日以修齋願
結衆生緣爰舉九朝之普度仰蒙聖力俯賜
恩光敢輸昭謝之私式見始終之敬更冀五
臟清涼六府調泰老反壯少皆強三界侍衛

五帝司迎魄昇遷魂開度

又

伏以謂天盖高實不離於方寸惟人慎始猶
當戒於亡齋按黃籙以行科遡紫情而啓聖
深仗洪蒙之造大開濟度之方燭陰暗於幽

都下辭長夜覩光明於暘谷人各回春

第二朝詞

伏以道本難名即此天之謂道齋可致酌消
次日以修齋傾心罄葵藿之誠降氣感薰蒿
之慘願垂濟度普利幽明逝者如斯魂歸天

卿五

魄歸地生馬有養福如海壽如山

七

第三朝詞



伏以事死事生兩盡尊親之孝謹終謹始一
尊謹戒之嚴恩仰荷於九天禮特修於三日
迄脩九朝之道願開八景之明生身長存早

刻石室于臺之字死魂受煉有憑金錄白簡
之功遍及幽明俱蒙薦拔

建朝拜詞

伏以天聽不遠常懷方寸之私人事有終未
免再三之瀆驚惶罔措愚昧無知伏念某幸
得人身常蒙帝眷洋乎在左洋乎在右知所
事死知所事生特賴薰修用成朝拜伏愿東
長樂界西那王國俱放光明北泉曲府南昌
上宮兩全濟度凡諸情識俱獲超昇

散朝拜詞

伏以天道難名其有聰明自我人倫攸叙必
以孝敬為先俯竭哀衷仰干蒼聽伏念某托
居中土均其私懷一蠲齋戒之誠兩盡尊親
之道念生而有養莫全溫清之儀嗟逝者如
斯未免幽明之隔特憑朝拜之功德用作出

世之津梁帝聽冒聞紀尔功削尔罪民情可
見推其亡因其存爰及幽關俱登道岸

又

伏以上帝臨汝母貳爾心如在左右烝民秉
彝好是懿德莫不尊親俯瀝丹忱仰干穹聽

伏念某等均為人子常竭心思念逝者有如
斯乎而生者未能養也一步一拜共瞻泰岳
以投誠三沐三薰仰賴尊師而奏告頓使幽
明之境俱蒙濟度之功人道貴華少者強老
者壯死魂受煉形以立神以存遍及冥塗俱

卿五

登法果

女薦父詞

伏以冥冥夜府深嗟九獄之沉淪嶢嶢昕庭
後覩五明之朗落俯攄衷悃仰瀆負清伏念
妾父死肉未寒余音猶響維人子盡事親之

道何日敢忘幸天尊發救苦之心尋聲降感
須仗熏修之力特伸昭謝之私伏願五十三
年之浮障多艱悉從蠲拔百千萬氣於太空
無象願得生成遍及有情同登大道

又

伏以道也難言千萬億劫莫名其象父兮馬
往五十三年過隙之駒靖而思之誰能已者
伏念妾父遭逢沒世汨沒浮塵雖衣食粗足
以舒眉柰疾病遽嬰於發背天高地迥誰為
續魄以招魂月冷霜寒誰不傷心而滅淚憑

茲功德作是津梁既荷超昇敢忘昭謝伏願
三官鼓筆疾除罪簿落滅惡根五帝司迎遊
玉京飛昇金闕

又

伏以父恩未報輒憑薦拔之功帝怒可回顧

卿五

九

發慈悲之念既蒙垂憫誰敢忘原伏念妾罪
積厥躬禍延所怙雖有私情而莫愬尚祈法
相以受持濯質煉形已拜朱陵之表披肝瀝
膽載陳翠剡之詞覬望逾深兢惶罔措伏願
耳也聲也目也色也想知道解悟之機手之舞

之足之蹈之獲遂逍遙之樂冀諸幽苦用此
超昇

又

伏以女子有行嘗致歸安之請昊天罔極曷
勝何怙之憂俯瀝愚衷仰干威咫尺念妾父

語言若魯文學稍通揆諸人事以無虧胡為
造化之見棄六年居廢四體如囚致令二豎
之夢於膏肓或者三彭之禍生於昏聩疾之
革矣誰知反席之謀哭於斯乎畧盡蓋高之
責痛而含恨直以陳情幸延康劫後科教流

傳使閻羅殿下寃仇釋縛或憑妙力用薦生
方伏願相好莊噐自緣宿命拔除衆罪跛痾
積逮即得反形遊行太虛遍及幽明俱蒙解
脫

又

卷



伏以上帝不蠲盍致小心之敬無父何怙莫
堪季女之憂前瀝卑忱仰干高聽伏念妾父
潰疽不救死肉未寒或者現於光中謂有戚
戚之容誰能棄之度外能無切切之懇冶長
非罪幸公論之難逃曾參殺人柰猜疑之莫

釋懼憂三載含恨九泉若非盡敬以事天孰
謂沉寃之可雪伏乞赦多生之業不得拘留
迫合鬼群釋累世之仇從茲解悟皆資道力

又

伏以父嗟彼怙可堪恐死之憂女嫁比隣不

卿五

十

克歸安之願俯輸丹悃仰瀆蒼穹伏念妾父
蒞事惟勤持家以儉田疇稍闢廣推吾祖之
心門戶多艱畧償諸子之債知恩莫報我心
孔懷尚祈晚福可保頭顱宜謂半生祗如
影兩旬卧病癱未潰而膽已亡四七屆期魂

可招而神不昧欲拜朱陵而度命須憑羽士
以陳詞幸沐洪床永蠲宿業出離泉曲會知
解悟之機既有天堂宜在逍遙之境

又

伏以五內分崩忍割先君之愛百身莫報不

堪少女之憂俯瀝卑忱仰干高聽伏念妾父
婚嫁雖了勤苦如斯擔未弛於息肩疾遽嬰
於發背露晞星殞傷心一夢之遽遽日居月
諸轉眼六旬之冉冉欲歌宋玉招魂之些敢
上緹縈贖罪之書伏願黑簿除名早親承於

金籙白簡朱陵拜表宜受度於火沼水池遍
及沉淪俱登快樂

建血盆疏

女薦母

伏以羽州八萬四千旬茫茫無岸血盆凡五
十三佛願願度人苟能作是因緣不可思議

卿五

十一

功德伏念妾生為女子嘗奉母儀徒懷烏鵲
之情莫效呾邛之報四十有九年音容何在
一百六日歲月如流豈不我思須憑佛力喚
醒槐庭之夢頓悟前因好赴蒲鱸之筵用成
後果恭迎三界遍及十方照破十八重獄獄

獄皆開不經百萬億劫劫得度使真身清
淨何須蘭水以濯纓使法眼開明何用金篦
而刮膜自今以始咸與維新即拜生成永無
苦惱閻羅殿下果蒙地藏菩薩之推恩兜率
宮中拱聽摩耶夫人之說法

薦夫及女詞

伏以太上好生何生也不得其壽自古有死
此死也誰憫其魂扣地莫聞呼天致請伏念
妾早知薄命終不適人念女兒乳臭之口無
知而夫子髮結之恩未久胡為一疾之莫救

纜經八日以淪亡未如之何徒有終身之恨
魂兮馬往永為長夜之歸謹當瀝血以投誠
尚冀察情而贖罪想功德至重傳符以金錄
白簡之文諒父子同昇刻字於玉室丹臺之
上冀諸善趣均此恩麻

薦夫與子詞

伏以地迥天長莫訴冤民之苦霜寒月冷誰
知嫠婦之悲未免多言深虞再瀆伏念妾生
於累劫遭此兩喪門楣之喜竟落虛花藁砧
之望空懷破鏡既曰修短之數吾末如之何

未知善惡之由使我至此極雖八鬼相為間
隔幸功德可以超昇少伸愛子之情式表惜
鄉之意音容如在徒為想像於空宇之庭魂
魄何之更冀度命於朱陵之府應有幽陰之
異類同歸縹渺之大乘

卿五

子薦父詞

十二

伏以臨下有赫昊天上帝不我遺事死如生
孝子順孫願自竭深慚丹瀆是謂足恭伏念
某幸處人倫粗承世業飲泉知脉盍伸報本
之誠觸景傷情式表追思之念雖先人之骨

殖安於窀穸皆神物之指示獲此機緣既荷
超昇敢忘昭謝魄不顧返遊神於昏昏嘿嘿
之鄉德難可稱錫我以簡簡穰穰之福仰憑
大道俯及冥塗

薦親詞

伏以彼蒼者天如何贖敢竭以忠孩提之童
愛其親誰無此孝自慚再瀆已具初詞伏念
某等遠慮深思常懷事死事生之難盡待人
處已初無有孝有德之可稱乃朝岳帝至于
泰山願與衆生同皈大道伏願男女莫不傾

心皆護度咸得長生鬼神聞此隱語以昇遷
不經苦惱

薦父祖詞

伏以天地恩深實拜覆載生成之德霜露氣
肅誰無焄蒿悽愴之情俯瀝丹忱拜干蒼聽

卿五

十三

伏念某塵凡自累血氣有知眷念乃父祖母
之勤勞聿懷若考叔氏之訓誨生事死葬可
謂之孝盍竭其誠夙興夜寐無忝所生將何
以報乃於去冬臘月許以黃籙大齋用伸賽
設之儀式表追修之敬伏願黃華蕩形玉眸

煉質真科依按於淨明南宮飛鳥北府遷神
符命竟通於

薦祖詞

伏以人倫攸叙益蠲孝敬之心天道有常實
荷生成之德具嚴法帝俯屈真游伏念某等

塵役世間生為人後祖功宗德保我子孫亦
有利哉心正意誠質諸鬼神而無疑矣少致
陳情之請畧伸特醮之儀自慚瀆告之再三
尚覬以私之萬一伏願九幽開度持黃籙之
文八景洞明獲拜紫金之相更祈福垂後裔

惠及見存

真人謝過詞

臣聞人為物之靈知其過必改其過神無跡
可議謂之非何為之非惟是依人而行莫免
非鬼之誦重念臣九天金闕聖位自開運以

來祠尊血食迨開熙而後廟顯勅封雖有依
草附木之靈未知登聖登真之妙於是修齋
執戒積善建功躋進仙班濫除陰職署事惟
謹慙德何如尚慮以藥石救人莫辨烏附木
苓之性以文章勸世莫知魯愚亥承之訛或

龜筮不克以告猶或鴻鴈未能而安集或祈
晴而反雨稼禍為夏暑之咨或禱雨而反晴
貽咎作風伯之訟或曰善惡之有報何善不
能善惡不能惡如郭公墟或謂禍福而動人
何福而不福禍而不禍如塞翁馬或有天枉

卿五

十四

而非命者惑巫言而生謗或有貧難而不立
者咎鬼渝而無能或時祭徼惠之徒莫革其
葷腥或鄉飲假厨於此有觸其齋戒使魑魅
魍魎之讚乘其釁使號餐餐禱机之罪無所逃
誠切憂惶不勝戰慄幸太上發慈悲之誓而

大道有懺悔之科恭對聖前首陳自責伏乞
鼎新革故肆赦青災贖其狂聲之往愆責其
驅驅之來效以鎮靜為政不敢生事而希功
以勤苦律身不敢素餐而具位濟生度死輔
正除邪勉力奉行盡忠以報更冀身入寶珠
之內行必滿於三千德非黍稷之馨祀可延
於百世臣下情不勝勤拳極切之至

謝加封真人詞

伏以巍巍大道之宗一心歸仰渺渺大羅之
上三界齊臨何帝命之眷顧也深亦神物之

聰明不爽伏念臣歡聲動地感德自天爵各有差已知一十六字之踰越禮繁則亂深虞千二百分之週多詢謀僉同洵美且好爰舉齋修之敬用伸昭謝之私伏乞受祿宜民人再俾陽功之著示我顯德行重加陰職之榮

卿五

十五

又

伏以天常命有德非德無以動天聖不知謂神惟神可入於聖俯輸丹悃仰瀆蒼穹伏念某桑梓連陰枌榆同社念靈濟之號迄今四百餘年而溥博之仁于尔萬方百姓惟足民

思之罔極所以師寵之有加爰集羽流具嚴
菲禮告盟三界豈敢負前日之恩醮謝羅天
庶可表此誠之敬更冀光臨法席福錫庶民

保禾詞

伏以天不言善應曰雨而雨知時人有欲必

從祈福而福畢至俯輸丹懇仰瀆蒼穹伏念
某席庇鴻鈞偷巢燕幕其或不恭自當改過
非外有求止在弭災念既渥憂尚祈既足既
沾之澤然將安將樂常懷將恐將懼之憂乞
賜垂憐敢忘報德伏願少者皆強老者壯男

女俱得以生成下無若濕高無乾秔稌可期
充羨

又

伏以民以食為天深恐天心之致譴夏祈谷
千帝尚期帝怒之可回下率輿情上千穹聽

伏念某等仰事俯育謹然食指之繁東作西
成甚矣歲功之垂滿謂大田多稼之有望吾
意草虫微孽之間生賴薰修何由懺謝况去
害迺能興利然作善必獲降祥釋之叟叟烝
之浮浮式表菜咸之薦穫之恗恗積之粟粟

預期黍稷之宜

徐仙翰藻卷之十一

金闕授仙簡建羅天醮榜

三天門下金闕真人宮照得職任天機省副
之權一任文昌司祿上宰之職輝騰天上瑞

御五

十六

應人間况人為萬物之靈性具五常之體父
慈而教喻豈在於斲輪子孝而箴仰益嚴於
喬木伯仲之筮墳迭奏室家之琴瑟允諧友
必心交則如蕭朱王貢族稱義重則若邠晉
應韓此風教之所係焉於人倫不可數也母



強凌弱衆凌寡毋踈踰戚卑踰尊使上冠下
履名分俱存則斗折衡太平可覲將見聲名
文物盛於此是豈玉帛鐘鼓云乎哉宣化承
流體天道而福善觀風察俗在人事以用功
至於黜陟幽明信必賞罰其有城隍典者社
令正神或能使水火而弭災或能使雨暘而
應節或能使鴻鴈而安巢或能使龜筮而告
猶有德之可稱有功之有錄合公舉選即與
遷除苟冥頑不靈非鬼為誦舊染汚俗時謂
淫風穢跡彰聞知過不改昇汝目生毒宜災

于厥身當職體察得知當日盡行厘革除已
具申三界真司牒城隍外合行告諭者

玉闕授仙簡建羅天大醮榜

三天門下玉闕真人當職一任雷霆玄省煞
書一任南極注生上相雍和萬化撫料蒼生

卿五

十七

風風人雨雨人使寒暑陰陽而燮理衣衣我
食食我使桑麻穀粟以富殷結形則男唱恭
女唱奉降神則月為魄日為魂各有司存別
分官守幸因緣之滅度體道德而垂光使揚
震能以清白而傳家則畢亦必有公侯而復

始智可及非愚可及人與之亦天與之至於
祈雨祈暘可以潛天潛地司農司稼典絲掌
葛既當其人司市司貨考工飾材不式其業
其有信從邪道不省本原致使妖魔間生傷
害是汝自作孽也雖悔其可追乎或魍魎魍

魎之精恣行荼毒或饕餮饔餼之醜崇尚奸
回當職斷不隱容依律奉行必使陽有鞭尸
之憲陰有磔體之形剪之以風刀鼓之以雷
斧人皆由可殺天之所加誅其誰之由非予
有咎况當職以輔正除邪為檣以濟生度死

為功今有孝子順孫發心皈向先令億曾萬
祖隨願超昇又有五古三塗孤魂滯魄雖是
沉淪日久咸與沾沐天恩除已具申三界真
司牒城隍外合行告諭者
加封敷達上玄門榜

伏以九氣在洞玄之中惟神是守十方有無
鞅之衆乘空而來侍衛我軒證明大道香襲
雲烟而鬱勃燈交星月之光輝遙御九天特
嚴三黜小心翼翼以事帝往惟欽哉有神洋
洋可格思述所職也功滿德就皆即受度國

安民豐欣樂太平凡尔有司各恭乃職勅太
上之靈水誦元始之玉文五帝朝真臟腑清
涼熙夷養素羣魔潛形鬼精滅爽凶惡潛寧
專此諭聞想宜知悉故榜

示齋主文

代高瓘

卿五

十八

切謂有生亦有死生生死殊途事死如事生死
生一致凡為人後豈無人心况此身此體又
非產於桑中而乃父乃母未嘗棄於水上如
或知此可不思乎着綵戲於堂前今之所謂
老菜者何可勝數被禍哭於道左今之所謂

臯魚者豈無其人亦須啜菽飲水以盡為養
之歡何必枯魚噉索而致不切之恨與其椎
牛重葬不如春酒一盃或憂風木之不停幸
喜天人_之有會如是修齋奉戒可以起死回
骸其有甘分而祖有抱孫之愛豈無知原而
孫無思祖之心伯見稱焉何待採蠟珠之日
叔非癡也奚須騎從馬之時撫育其孤曾念
兄之先世憐哉其嗣嘗憫弟之早亡或合盃
之歡或鼓盆之憂或髡髦之誓或齊眉之喜
曰夫曰婦夙世有因一死一生交情乃見此

人倫之為大者而風教之所係焉雖曰孩提
莫不愛其親所恃上帝有好生之德弘開濟
度兩利存亡茲遇中元續玄都之故事謹同
大衆結普度之因緣使善男善女各發善心
使無遠無近本然無礙功德非常功德思議

卿五

十九

不可思議仰辱齋官俯臨法席雖是皈依道
亦有孝順心地非有獄天果有堂相去不離
於咫尺善積如山惡深如海少差易間於高
厘不知我者何求亦須汝自究竟伏念某天
居末學濫宰玄科若非對聖粘闔安敢署名

具位雖無度人之量亦惟遵道而行同壇稍
不叶忠明科自有罰簡無增無愛公非使心
正而意誠庶功滿而德就如是如是知之知
之億曾萬祖名叙仙曹凡五劫乘機之會六
親九族名登壽域八千歲為春與秋特此稟
聞伏惟僉悉故諭
諭在會善信榜

茲遇孟秋屆期中元紀節白帝乘時之運地
官校集之辰釋氏以此日供盂蘭盆道家以
此日設玄都醮門同戶異理一事殊各以化

民成俗為心各以奉先思孝為念于期時也
不有思乎天泱泱兮氣清清草養養兮人寂
寂仰洞庭之月明兮何悲愁而鬱鬱歌赤壁
之風清兮何泣訴而鳴之顧影兮興懷傷心
兮太息身體髮膚吾父母之遺體也何以報

吾父母田廬衣食吾祖宗之積德也何以報
吾祖宗謝太傅叔也戒約之言何日敢忘薛
侍中伯也分張之財為恩不少池塘生草之
句此謝臨川所以夢其弟春秋薦蘋之文此
韓昌黎所以憶其先抑負外之姊有喪刻石

何恨黃太史之妹既死毀壁何寃鼓盆而歌
難割漆園之愛汎舟為誓不爽共姜之盟此
心哉果何心哉彼人也我亦人也睠言及此
云如之何長夜悠悠詐作續魄招魂之些大
羅渺渺幸有迴尸起死之方尔若而人當發

卿五

廿

是願修諸善果作此良因况却數終窮當別
舉一十二萬人以充神仙職今功德滿足願
開度七百有餘名在會男女靈魂升入無為
轉輪不滅其有內懷詭詐外假精純背義忘
恩傷俗敗教不崇三寶不習五常如彼等人

豈無果報或先貧而後富者恥言其舊或先
富而後貧者反怨其先至於乃祖乃宗乃父
乃母乃叔乃伯乃婦乃夫乃姊乃妹故違制
服視如塗人若罔聞知甚至馬牛之風不相
及全無憂戚甘與鹿豕之畜以為群致使羊
吉若敖之宗無所托也其視馬醫夏畦之子
得無愧乎惟我開方便門為汝作平等會無
有障礙與善因緣使已生未生不捨慈悲隨
機應化使有主無主齊同慈愛異骨成親共
赴齋筵俱登法界伏願心開悟解無貪心嗔

心與夫癡心道合自然自鬼道人道歸于仙
道斯言不妄母視泛常故榜

師堂補職榜

伏且小心事帝須知齋戒沐浴之嚴主善為
師各盡出入起居之敬洋洋如在赫赫厥靈

御五

廿一

視不見聽不聞無名可議愿而恭亂而敬顧
我所行謹按金錄簡章自有玉條品格分職
之法有六學尔所知考課之等有_三誠可乃
已耕當問奴織當問婢不及私賂惟其能行
者同輿涉者同舟各恭尔事齊乃位茲告于

汝左右此亦自己工夫須是整我形像可以
使人讚嘆惟慎之者則身祚故聞之者以昇
達使一德苟或一虧合舉糾彈之責必三
言而後三拜敬遵禁戒之文受簡還像斷功
績過無賞太輕無罰太重弗慮胡獲弗為胡
成儆戒無虞出乎尔反乎尔功德至重始於
斯終於斯預此聞知各宜遵體故榜

又

伏以立教垂科所以耳目斯世設官分職賴
有腹心其人雖舉尔之所知必論才於已試

兼收並畜銖銅不可棄寸鉄不可遺任賢去
邪鑿鋤知為銛鉛刀知為鈍咨示六人六職
須是同德同心毋卸既往之私讐毋蹈以前
之故步人誰無過必能改過邦有尚刑亦常
贖刑儆戒無虞始終如是出必告反必面甚

如父母之親奏以功誅以言自有君臣之分
故榜

建黃錄普度齋

伏以冥冥罔測之謂聖之謂神剡剡揚靈如
在左如在右既以正直為德合以濟度為功

仰体太上之慈悲俯聽本司之關告益嚴修
奉大作證明久瞻孔子之墻輒假陳蕃之榻
鬼言歸也願入修門齋以齊之特為單席想
有欣欣之喜色必無疊疊之偏人招而來之
與其進也使接踵而至審容膝之安見如故

卿五

廿二

識如新乃千載一時之會遠者來近者悅何
此強彼界之方或講時令之寒暄或叙親戚
之情話滿堂笑語連手歌謳何謂鬼哉均是
人也班荆而食脫粟無嫌間挾私讎當為傳
諭若不知其所舍母乃曠於厥居賓有禮則

擇之深荷東道聖人之愛魂應選而度者同
為西那玉國之遊

戒監壇榜



伏呂三級以象三才登降崩摧八方而取八
卦排布森嚴星為緯宿為經天有門地有戶
絳繩七十二丈以氣候之流行圖纂八十一
竿合陽奇之通變顯額之字大如斗浮枉之
制高如室光徹閭闔而閱閣香擊樽櫺而芬
弗雷公駢警蹕風伯執洪頤神漠漠而扶傾
帝洋洋而在上敢有夔魑猖狂之魍魎魅魍

魍之妖輒縱詭隨自起穢臭仰依玄律不與
赦原捉影捕聲如一網之盡兔窟剪形截首
如齊斧之就蜂腰殲厥渠魁勦除餘類毋嚴
霜夜肅蕭蘭共盡毋狂風火烈蓬芝俱焚必
使沙礫化作南金必使瓦石變為和玉號經

卿五

廿三

的之中非使獸不為虛弓然偃僂之神豈掇
蜩自嫌薄術有官守有言責無偏愛無私讎
衛道以嚴明壇以現鬼自凶仙自吉素聞欲
界之飛空天無氛地無塵載舉大梵之隱語
修齋行道無邊功德濟生度死作大因緣應

有赴會信女善男亦各致恭盡禮或有故意
犯齋觸戒是自作孽矣云母曰掛壁之具文
此乃監壇之本職如是如是欽哉欽哉故榜

戒將吏榜

竊聞朝拜功德推原其由始於都統康舍人

以此上報父母劬勞之恩由是得道其為孝
義可勝言也哉後人因之以立存亡之科考
之功德此為第一義况人生各有知識誰無
父母誰無叔伯誰無兄弟誰無夫婦誰無子
姪誰不以身體髮膚為重生者莫不欲全其

天年無有中傷死者莫不欲迴生起死枯骨
成人非此功德莫能濟度今之日奉為某為
衆滿散目前公路朝拜啓設黃籙告簡濟度
幽明齋醮一永夜於中修崇功德條具不一
非汝將吏孰為證明傳符轉檄非汝將吏孰

為奔走進表上詞非汝將吏孰為騰達招魂
續魄非汝將吏孰為追攝汝等將帥既是駐
劄壇前若彼為御則此為左若此為御則彼
為右同功一體各恭尔職無伐善無施勞使
生者各遂其生同躋仁壽之域死者各得其

死同遊快樂之天生死蒙惠莫不舉手加額
皆曰汝等將吏之功也有功之日名書上清
此太上秘語必無妄語其有不吉不迪顛越
不恭不義姦兇憮相之徒故意觸犯使穢德
登聞于天汝其上依玄律盡行殄滅無遺育

卿五

廿四

咨爾將吏齊馬勛哉故榜

又

本宮啓建中元玄都齋醮合委承行將吏
低聲肅靜依戒奉行所有告文合行出給
者

伏以道在太空無象妙矣難名將出自巳元
辰召之則至明真有禁非法不行靈寶符命
普告九天元始赤書開張萬範布五龍神水
之五氣結而為靈風聚烟召四靈火馬於四
方來者如細雨密霧城隍拱聽吾命魔王侍
衛我軒舉太乙之洪頤象槐槍於燦闕恠魁
魍而潛魑魅捎夔魑而扶猶狂巫峽之女無
所眺其情臚蚩尤之徒終必化為枯骨凡尔
衆其性致告無起穢以自連辜一有如此未
或不亡三而思也雖悔何及仰遵玄律攝付

魁罡剪首截形俱作龍烹之的捕聲捉影斷
無漏網之魚聞之者膽喪毛寒見之者股慄
懼伏食言非信衛道以嚴使十玄披散八景
開明庶三界齊臨衆真監度左攻于左右攻
于右汝作護法正直將軍後非敢後先非敢

卿五

廿五

先汝作監齋平等使者各恭尔事尚一乃心
終始惟初功德最重上可以薦元府於七廟
下可以超羣力於三途更冀天得一以清地
得一以寧與神俱契思道常自凶仙道常自
吉使我長存須至指揮毋得違錯故榜

又

三天門下金闕玉闕直入宮當職欽拜玉封
荐膺師寵羣瞻皆愕孤跡罕驚雖蒞事以惟
勤必論才於已誠十目所視十手所指莫能
逃正邪賢否之公獨步難行獨掌難鳴必有

賴文武施張之畧次尔諸階將吏洋洋左右
赫赫聲靈出於有入於無瞻在前忽在後昔
盛名載之青史文音可得而聞今英魄竭其
精忠天地所恃以立聞符即至聽命無譁工
就規矩醫辨參苓先取其長後取其短奴執

耕稼婢典爨炊彼効其力此効其勞各懷食
榘之好音豈謂傳餐而無補在列如黃鍾之
應物動必有聲撥煩如游刃之發矧用皆無
滯毋為肝膽楚越有賴腹心良平殄滅妖魔
劄城隍而聽令救度羣口體太上之好生敢

有幽魅犯吾禁戒仰依以律明示典刑在外
曰奸虞典有理官之治口固不服周書行司
馬之誅守衛鄉閭鎮安口使人人遂欲逸
欲安之願使家家獲既口田既庶之饒汝無伐
善施勞我乃論功行賞口重染盛之祭毋作

神明羞時於香火之前上祝天子壽各恭尔
職毋曠厥居故榜

又

伏呂玉扎丹砂青芝赤箭兼為醫者之收大
梁小襖脩榱短攄全頽憚人之巧既精所選

卿五

廿六

各度其材咨示直壇將由監齋使者同音相
和同類相求尔形信直之聲信清侍衛四靈
折衝萬里使狐狸膽落蒼豺狼當道之威使
狡兔技窮壯虎豹在山之勢仁而無敵用之
則行有事指揮遵吾禁約敢有下官故氣百

厭妖魔妄肆猖狂故為觸穢是剪是伐如狐
鼠之寄旄頭或縱或擒如雞雛之在籠內有
輕有重公是公非母神芝雜以腐茵母祥禽
混以凡羽天條至密露檄以聞今則

關泥丸敷席祗迓白輿之翼翼恭迎帝駕之
翩翩或前舉洪頤後樹虎旗或右秉白旌左
麾黃鉞無越厥命冬齊乃心其用力也過多
曰論賞則不靳功德滿就為書南宮宿將之
名壽富康寧少咎由道主人之願故茲告諭
咸使聞知故榜

又 代掌科

夫有陰德者必有陽報有陽德者必有昭名
今九天二真人名登仙品職列九天凡為德
之在人心者可稱量哉汝等官將目可得見
耳可得聞言語可得而交接決然無惑晰然

卿五

廿七

無疑固當一乃心均乃力贊成厥功其有奸
險匪人為鬼為魅不吉不迪顛越不恭以穢
自臭者惟予以尔恭行天罰輕者攝赴魁罡
重者剪形截首使天得一以清地得一以寧
神得一以靈有功之日當為汝奏告天庭獲

預仙寮散職之司豈復為人耳目之旗鼓哉
苟或左不攻于左右不攻于右汝不恭命是
汝之過也真人在天之靈將有辭于汝是所
謂百鍊之剛日膾千牛匣而藏之非我之羞
各宜體悉故榜

示查邊魏趙刁五帥榜

伏以明月白露光陰往來誰無煮蒿悽愴之
念皇天后土神祇上下少致齋莊中正之誠
仗此因緣修諸功德今則道場潔備法事初
陳切慮一等亡靈墮落三塗苦趣無由出离

何以超昇雖有司存豈無言責咨尔貔貅之
士各效鷹犬之勞為吾關詔當即來飛空變
化出無入有普遍詣幽陰合屬去處報括在
會所薦亡靈護送前來廣為開諭虎豹之元
不可以久處載賡淮南小山招隱之詩江魚

之腹不可以淹留爰誦長沙大傳弔魂之賦
旌儒之頌吾誰作使咸陽之枯骨更生戰場
之文吾誰歌使長平之冤魂釋縛十九載旃
毛已盡蘇子卿果得鴈乎一千年華表猶存
丁令威非真鶴也此張翰之所以動尊鱸之

興此陶潛所以傷松菊之情魂兮魂兮反故
居時執時執不可失繼今而後咸與維新仰
荷慈悲俯垂原宥令設金雞門外已占驛馬
星流既無狼子野心梗化之鄙夫取責牛頭
獄吏遵稟之文狀雖縲紲之中非其罪也然

卿五

廿八

衣冠之象使民耻之母得拘留盡行釋放法
門方便孰肯度關為狗盜之謀仙路逍遙誰
復假道效徂愚之詐世界如彼其大魂魄更
欲何之牛秀才失道之迷薄姬豈得為魅色
丈人中途之醉扶竒輒敢興妖母厄於陳蔡

之圖母因於臧倉之阻敢有小鬼妄行邀當
仰遵玄律捉縛來呈汝往欽哉與其進也有
功之日書名于天三界侍衛五帝司迎亦不
為陋九幽旋魂七祖出夜普度無窮須至指
揮毋惹違慢故榜

散血盆會右語

伏以羽州池閣八萬四千旬無邊無際無涯
無岸普光會上五十三佛大聖大願大慈大
悲既弘開濟生渡死之法門可不作過去未
來之因果伏念其等生闍浮世為婦人身自

惟養男育女之時豈無熏天觸地之穢未遑
懺雪如履薄冰誠恐庚申之辰妄數其罪始
於癸巳之歲思免厥愆或報母恩或修己福
或願生淨土或預作津梁幸功德之數周異
存亡之兩利况三月三日金人見曲水之祥

卿五

廿九

有同號同名釋迦顯靈山之相開經說法發
誓度人端請德士四五負啓設道場一永夜
業鏡臺前閻羅殿上至心頂禮救苦道師鉢
盂庵內王舍案邊稽首皈依目連菩薩供養
十方賢聖各迎八位慈尊回向法筵聖衆遍

周天地水府開通道路召請魂靈指認白雲
鄉呪獻甘露食蓮燈照破九九重獄之黑暗
蘭湯洗出六六骨節之清涼別置焦面鬼王
夜齋普施阿修羅道等衆廣及孤魂滯魄無
道五苦三塗凡尔有情俱成正覺授戒而後
給牒為憑伏愿薦亡者魂為西域之遊親觀
觀音於琉璃苑預修者壽比南山之固侍宴
王母於瓊瑤池佛日增輝人天快樂

建血盆道場告諭文

伏以招魂續魄况當三月三日泗洲初度之

辰利人濟物現出千手千眼補陀自在之相
發誓為救苦菩薩化身作焦面鬼王諸佛弟
子等欲問前世因復坐吾語汝吞炭漆身愚
也詐矣獻璞則足何以行之嚼齒而碎者勇
立武功吞舌而死者耻言國事雖名字載諸
史冊無能磨滅然髮膚受之父母不敢毀傷
汨羅江上水蒼蒼首陽山之風凜凜潮州八
千里流落於蠻烟毒霧之鄉海上十九年鬱
邑於朔雪漠沙之外埋冤莫訴節義為高魯
侯之伯托夢於燕昭王槃瓠之種見名於高

辛氏令威化鶴良姊為猫雖曰有人心不離
畜生道腰金袍紫於我何有簞食瓢飲不堪
其憂趨廝走養為人之奴涉經獵史為士也
肆一貴一賤孰非暮行雨朝行雲往事想巫
山之夢膏吾車秣吾馬情魂從盤谷之遊隻

卿五

三十

履嶺頭翩翩兮何之玉棺堂前詡詡兮馬往
單葬於虎將喪於蛇若教之鬼無依於陵之
子不死彼何人斯劫劫受苦而今死矣色色
俱空八萬四千類煙動肖翹三百六十屬羽
毛鱗甲曾聞鷓鴣念彼彌陀佛又有蛤蜊托

化觀世音雀會彈經鵝能聽法今之夜齋主
其人等祇就靈濟東宮餘慶堂啓設道場一
永夜別置斛食大開法門凡爾有情無情何
分先覺後覺既來趨赴作甚麼生君子無所
爭仁人無宿怨無川黨落黨自為標榜無人
相我相各立藩籬無嗔無癡無好無惡親鬼
大故鬼小無窮鷓蚌之勢互相吞君海北我
海南無謂馬牛之風不相及都來三千大世
界安有七十二等人善哉善哉如是如是野
無餓草佛有慈悲濁濯足清濯纓與其潔也

與其進也寒為衣飢為食不亦樂乎不亦悅乎跳出鬼門關認取天堂路毋為戒律反墮迷塗信受奉行汝宜諦聽故榜

散朝拜門榜

伏以鬼言歸也既知死未知生齋以齊之弗

卿五

二十一

患寡患不及爰修單席遍召十方于于焉而來洋洋乎如在若有想若無想若非有想若非無想若有情若無情若非有情若非無情若老若幼各序尊卑若貴若賤毋分高下我發慈悲願汝生清淨心五色綵雲夜瀕聽南

宮羽林之說法八味天厨食須聽西域王母
之講經何待被薜荔兮披離何待餐菊英兮
憔悴歸依道寶出離鬼官均蒙濟度之仁永
絕沉淪之苦一洒甘露水既漫既渥既足既
沾同上始青天母意母必母固母我

普度功德 右語

伏且瞻彼崑山比南山而祝壽朝于岳府拜
紫府而紀名三月三日天朗氣清六報六識
塵除垢淨種善果於靈山會上生金蓮於羽
州池中秉草招魂薦亡靈者獲覩摩耶之相

感花垂鬢彼美人兮願從秦國之遊用作津
梁永為符券故牒

諭南北廟亡魂榜

伏以明為人幽為鬼惟鬼則靈魄歸地魂歸
天有天可格式憑科典廣設齋筵欲結衆生

緣願假方寸地毋曰井谷之水不可以濟群
魚幸喜松柏之山亦足以棲衆鳥必無我外
特與先容秉蘭草以除不祥散花林以揚大
梵燈燭交輝於夜月幡幢鼓舞於曉風我欲
輔之魂兮何莫由斯道也食乎稻衣乎錦豈

無溫飽之心，狝吾馬，膏吾車，以遂倘洋之願。
豈忍一夫向隅而泣，如是千里不遠而來，蛟
龍之窟，直送舟航，虎豹之關，大開鎖鑰，各安
汝止，亦何疑乎？雖髑髏之夢，非人世之春秋，
苟肝膽之失，是自家之楚越，都是鄰里，都是

卿五

三十一

親知何有，藩籬何有，彼此先行告諭，毋得喧
譁，合仰主地明王，權作勸善菩薩，上皇天下
后土，實聞孝子順孫之言，南火沼北水池，自
得濯形煉質之妙，無分貴賤，咸使超昇，故榜

諭亡魂榜

伏以生非汝有自今起死以回生道本無為
從此歸心而向道乘機悟會宿命因緣功德
不可稱量神仙最為快樂東有雲萊之洞青
丘之室西有天墉之城玄圃之臺南有青都
之山流火之宮北有六玄之府紫虛之館來
今往古不計數千餘年此界彼疆相去幾百
萬里凡夫不可得而到卑俗不可得而聞十
方大聖遊息之鄉三界高真者會之所其政
悶悶其民醇醇衣食自然形容端正無貴無
賤無富無貧無是無非無人無我無取無與

無愛無憎生其所生未嘗終形其所形未嘗
有世世不絕劫劫長存日月常明風雨常節
四時常若五穀常登奇花甘菓各異其名靈
芝瑞草莫形其狀五色而文者不少九色之
鳳三足曰貴者猶多百歲之龜王狗夜鳴金
雞曉唱雲山渺渺江水泱泱設着這箇乾坤
又是一般風景杳杳冥冥無涯之際渾渾淪
淪未判之天自謂羲皇上人豈料羸到末劫
若生於此長於此不樂矣乎悅矣乎汝等亡
靈欲問彼間世界我聞妙法可作此處津梁

好結衆生緣啓設玄都醮道場肅靜冥漠開
通召天醫牒神虎演童子科行混元扎朝方
懺悔受戒傳符普獻十王昭謝三界宣說像
文開誦經典燈光照破黑暗界斛食普施無
碍齋沐浴華池洗却舊年浮翳開通冥路且
辨今日行程切勿回頭穩宜着步地去五丈
青一黍米珠懸在空玄之中天開九重由大
浮黎土迳上始青之上言斯信矣汝其聽之
故榜

又

維持金神按節少皞行權中元為校籍之辰
七日乃慶生之會按荆楚歲時有此遺事使
人物風景觸然興懷庭葉落兮嘆日月之幾
何露氣肅兮願形影而自悼往者不能返也
者何可追擬作宋玉招魂之歌猶恐來兮不

可以托欲效賈誼弔魂之賦吁嗟已矣其不
吾知今欲問生方先入普度會太上有救苦
拔亡之典靈寶有迴生起死之科此為出世
之要津可以乘機而悟道方其始也何謂之
生何謂之死及其至也亦無其死亦無其生

今有齋主其發如是念願開方便之門爾其
有靈可躡飯依徑峴山垂涕魂當登此右社
封還魂無不之既降齋筵母拘塵世東有罔
畏之野西有沉默之鄉南有崑崙之庭北有
玄元之府看來只在方寸地直去便是始青
卿五
天自去自來無望無礙集無鞅數衆身入叅
米於虛空召童子五方手執蓮花而引路故
茲戒諭想爾聞知故榜

三十四

散朝拜諭下界榜

李道官焚簡此為張姬解觥之緣由功曹說

經時乃莫母超昇之徑事形傳記靈播古今
嗟爾六道幽關三塗苦趣冥冥長夜莫瞻日
月之光中劫劫多生安識烟霞之物表今夜
今時來趨法會于左于右各整容儀自有尊
卑初無貴賤越南胡北何分汝人戎人朝四
暮三寧有新鬼舊鬼既然傾蓋以序陳雷之
好不須隨幟以分牛厚之朋我有真言你宜
諦聽採薇為食者何如食天厨之食製荷為
衣者何如衣雲絲之衣雖蘇內翰之才猶切
飢寒豈王狀元之志不在温飽且將一點清

魂水遍作大千甘露門浮黎直遠始青天自
有色界至無色界泰山便是東岳府由小天
門入大天門毋墮迷途同皈大道

又

嗟爾孤魂生兮若浮死兮若休又何必以口

卿五

三十五

體為累劫母乃魂魄未有所歸故為此想一
飲瓊漿百感生玄霜搗盡見雲英吾觀此詩
之旨是豈肥甘不足於口歟織成雲霧紫綃
衣辛苦無歡容不理吾味此之旨是豈輕暖
不足於體歟天仙之事吾固不敢議若夫神

道未免依人而行必以粢盛而供祭祀必以幣帛而充莫瘞然則粢盛幣帛其為神之所資者乎故孔子曰飯蔬食飲水曲肱而枕之樂亦在其中矣子路曰愿車馬衣輕裘與朋友共敝之而無憾孟子曰五畝之宅樹之以桑五十者可以衣帛矣又曰百畝之田勿奪其時八口之家可以無飢矣此大聖大賢所以形於言著於書蓋為人類設也翳桑之餓愿為介士緋袍之戀幾失主人縷屨辟纊何其廉製荷食菊何其清蓋衣食於人之所仰

不容一朝闕也甚矣平沙無恨黯然慘淡寄
身鋒鏑天地為愁骨為異鄉之上魂為隣國
之鬼吊祭不至將如之何衛成公之夢康叔
曰相奪予身若敖之鬼不其餒而祀命不常
將如之何又况螳螂捕蟬韓盧攫狡兔雞啄

虫蟻鷹鷂搏鼠雀抵為食忙初無惡念金衣
公子烏衣主人文成新錦之機重傳秦臺之
粉雖曰無知亦各欲致身於榮貴蜂之螫蠅
之營營蚊之嚙喝蟲之咀嚼蟻之戀釜蛾之
赴火胎卵濕化莫生貪生無他焉各以性命

為重既知性命必有知識何不回心向道今
之夜食我法食衣我法衣聽我法言使三千
大千法界之內一切有主無主有想無想有
形無形十類孤魂毋起貪著念母生疑忌意
無作人我相如是如是盡為超度徃生方

卿五

三十六

南遊罔畏之野北息沉默之鄉西家冥冥之
域東貫鴻濛之光上無天下無地道遙自在
豈不樂哉故茲告諭咸使通知故榜

建孟蘭盆會諭下界榜

伏乞子生孫孫又生子敢忘世世養育之恩

人為鬼鬼復為人未免劫劫輪迴之苦惟此
功德最為第一都來世界自有三千今有齋
主某等恭遇地官大赦之辰啓建天尊玄都
之會既謹終追遠之是念豈舉斯加彼之不
能遍召十類孤魂為度一切苦厄雖寒者為
衣飢者為食然也若浮死也若休胡為來哉
各安汝止毋恃強凌弱遽興晉楚之兵毋挾
怨報讎常蓄吳越之恨毋舟中敵國母室內
操戈母兩虎共鬪勢不供母效昆虫相齧自
罹厥害與其尔自尔我何如大家剖破藩籬

說着色非色空非空便見彼岸全無風浪惟
孝子乃能錫類而仁人不憚設施始雖及於
我曹終忍遺於爾衆黑暗界中翻作一筋斗
便得起身鬱蕭臺上認取百丈塔穩宜着脚
迎遵玄律毋墮迷途

御五

三十七

諭下界榜

伏呂食可適於口則有膏粱之積芻豢之麁
衣以華其身則有麻苴之賤狐貉之貴惟人
焉不容闕此於鬼也豈得聞歟嗟爾蠢蠢四
生茫茫六道聽之無聲無聲則無口雖有食

烏得而食之視之無形無形則無身雖有衣
何從而衣也胡乃墮沉淪之苦是皆起貪着
之心晉公之托聲為牛蓋有聲則有口所仰
者食夫生之化形為豕蓋有形則有身莫去
者衣夫苟迫於飢寒奚暇治乎禮義既來這
裏當作麼生母特鈍槌捶利錐夫人各有所
短母厭老拳飽毒乎君子亦何所爭母韓盧
東郭相困於前母黃雀螳螂互吞于後必如
陸抗羊枯使吳晉而釋冤讎必如由余子
使胡越而結昆弟何妨傾蓋可與班荆步亦

趨亦趨必後長者來者來去者去各問生方
我推溫飽之仁汝滅凍餒之狀神燈遍照如
日天上共覩光明法水普沾如雨空中咸蒙
潤澤營諸功德作此津梁携手玉階與其絜
與其進刻石金錄孰為後孰為先且作平等

王來赴無遮會合行告諭毋至喧譁故榜

又

伏呂漠漠重扃冥冥長夜未說千般浩浩且
言六道茫茫四空無色未色荒唐三界有情
不離幻化橘中戲象豈無變詐之欺蓮內留

環難絕恩情之想應諸法界名曰天仙猶有
人心而况神道山川古跡壇社靈祠鍾動猿
鳴廟素尊於南岳石鐫馬鐵夢果應於黃牛
縱號神通猶存血食至於有目有耳者誰甘
為之視聽有口有體者孰肯困於飢寒豈不

卿五

三十八

步思必無所欲捧壁歸者壁今安在獻國死
者國亦何愚潮陽之馬不前動有八千里路
海上之羝不乳筭來一十九年戈未枕而亡
其戈楫未擊而失其楫雖魂魄不同朽木然
功名總是虛花或不以富貴而關心或不以

是非而入耳漱流枕石釣月耕雲丹鼎雖存
而爐烟已成灰燼禪龕雖在而骨像已化塵
埃更有九流醫卜之徒百伎優伶之輩以侏
儒為戲莫逃孔子之誅以巫覡為妖莫免穆
公之慕險竿躍劔以危致命鑽龜打瓦何不
自靈機窈行奸弄何須於力筆貨泉爭利美
何及於舟車雖曰同生那知死異其有臨軍
受敵報國捐軀舌可斷而目猶噴肉可嚼而
身不屈炎上山之火焰焰悲豈獨於一蛇汨
羅江之水茫茫居不群於衆鳥不知去就此

由所之被醢莫別嫌疑此衡之所就烹效羶
之聲者其計已窮捕蛇之役者其存無幾財
多害已謾誇金名之饒色久傷身徒有蛾眉
之怨滔滔皆是啞啞何言嗟尔曹不遂生方
何無罪而就死地若夫張頤待哺可羞承腹

卿五

三十九

之膨胸露體赤身深愧鶉衣之藍縷口之削
者甚於鳥啄項之長者幾作鶴形峽山之女
常悟為猿涪村之民奚變成虎或含胎卵而
生濕化或披鱗甲而帶羽毛雖無人心亦有
向道心是謂鬼道及尔畜生道尔有名無

名之類至於有主無主之魂胡為來哉亦有以也毋卑踰尊䟽踰戚毋強欺弱衆欺孤必如魚以沫相濡勿效獸之窮則搏南海北海豈曰俗之有殊風秦人越人豈其心之不加戚班荆而言傾蓋如新且作平等玉來赴普度會足衣飽食不亦悅乎不亦樂乎澡德浴身與其潔也與其進也舉身道岸携手仙階的不虛文各宜諦聽故榜

孤魂榜

人生之所以靈萬物者知其有天地覆育之

功必有霜露悽愴之念造化之所以成庶類者雖曰無日月照臨之私豈無雷霆震怒之威今之日謹有奉道梁某聿懷乃考作室之勞眷念乃祖分甘之愛祖母撫育之恩猶未報叔公獎訓之言不敢忘昨就白水之原用

决青島之卜營求葬事曲致孝情許以追修與其利澤不圖至於今日誠恐負是前盟謹涓橙黃橘綠之辰畧■柩鬯粢盛之敬仰承行官將各整肅威儀先為洒淨靈壇次為招諭下界其桀犬梗戾猥狗猖包蔽逆謀參會

凶德侵氛其氣豺武其心鼠牙竊瞰於崇墉
螳臂僭窺於隆隧不知去就如彼痴駘衆怒
靡容神靈斯赫仰依玄律攝付魁罡若夫可
閔之孤魂無告之滯魄既來赴會堂作麼生
好結歡喜緣母生人我相昔日之冤連盡行

卿五

四十一

解釋今朝之情話畧叙綢繆或曾為故舊之
交或托在比鄰之契臭與芝蘭而俱化堅同
金石以不渝以此自謀其身吾亦不辜所望
飢者當為之食豈常枯瘦而自知寒者當為
之衣不復裸裎於我側以滄浪之水為汝濯

足以潔徹之泉為汝滌心庶幾悟會以超昇
萬物執迷以顛倒接武王階之上雲層峨峨
遙瞻金闕之光仙源渺渺與其進也不亦樂
乎須至指揮各宜體悉

又

陽形陰憲初無異律本自一般天堂地獄相
去幾何不爭方寸道家者流嘗謂有此君子
之論必曰無之今之日奉道女弟子其痛念
老君其生死有期無柰背疽之不治幽冥異
路未免心惑於浮言不仗熏修何由超度咨

示監齋使者直價將軍走狗飛鷹屬我發蹤
而指示妖狐惡鳥使之遠舉而高飛霽月開
明氛侵須息上通三界下達九泉應有幽囚
仰遵赦令取責文狀於牛頭獄卒母生毒害
如狼子野心剉碓湯火之刑出何刑典火床

卿五

望一

鐵冊之法有甚法書叩頭無地以稱冤仰口
籲天而無路合行踈放不得拘留其有滯魄
孤魂四生六道同赴法會共結良因母以卑
踰尊母特強凌弱母爾自爾我自我焉能免
哉母北自北南自南不相及也欣欣有喜近

者悅遠者依于于而來前者呼後者應駢肩
笑語連手歌謳各起慈悲是曰平等清濯纓
濁濯足誰能語世混為泥塗飢為食寒為衣
平生立志豈在溫飽既歸大道可問生方出
離鬼門得度我界時哉弗可失其可不乘天

人慶會之機魂兮歸去來此去便是道德虛
無之說

又

嗚呼死之為言歸也歸也者歸於道也道者
身以無形為主昏昏嘿嘿杳杳冥冥吾固不

得而強名亡靈三十七年春秋未知何歸歟
之興遽止於斯乎載詰其由亦有以也昨因
女子之疾弗瘳或於妖妄之言狂妄心煩而
意亂惘惘忽忽如夢如醉如炎風之扇毒如
蠻霧之塵埋逡巡而反豈期二豎之崇竊發
於膏肓加以女子之天喪然慕泣訴愈深沉
溺是以緩和不治象繇不靈黃墟山外竟不
知其所歸闔晦開明瞬目之五日日又日月
又月愈去愈遠不虧道力孰指迷之而由是
道之歸也霜寒月冷孤鳥悲鳴此時此情汝

等將變雖有豪傑精悍之氣木石其心豈可
愍然不為孤兒寡婦長太息哉固當發慈悲
心證明修奉守護呵禁毋縱邪道以生穢濁
使亡靈獲歸於道功莫大焉若夫天道人道
神道地獄道鬼道畜生道家寂杳邈與道相

御五

四十二

拘視之不見其形聽之不聞其聲又何必起
貪嗔癡之想為人間世之營營既來這裏當
作麼生衣而汝衣無復號寒食為汝食無復
啼飢而今而後當聞解悟東方不可以托南
方不可以止西方流沙北方飛雪不可以久

居可不回心向道汝等亡靈同登道岸雖風
乎舞雩之樂不能過也知之故榜

又

伏以生死者晝夜之常既往古來今之
何極鬼神者陰陽之道嘆要終原始之

無窮蓋因善惡一念之殊遂致苦樂兩
途之異冥心昧理逐影迷真幸逢

聖世建普度之科啓玄教導揚之典式展
尊親之敬弘推利濟之仁大德如茲良緣難
遇汝孤魂等流浪冥蹤棲遲長夜未說

千般浩浩要知六道茫茫論彼執迷則
逐物而累物觀其纏繞則以形而負形
沉淪幽暗之途零落淒涼之境或叫號
於星月之下或嘯吟於風雨之中既吊
祭之不聞且墓埋之無所天涯海角望

卿五

四十三

親故以何依芳草斜陽悵鄉關其不返
興言及此良切哀矜賴

明禋修金錄之齋而

太上啓丹陵之府開汝等往生之妙法濟汝
等以出死之良因滌汝慮洗汝心咸聽

九真之戒煖汝衣飽汝食俱離五苦之
煩永遂逍遙更無掛礙故榜

徐仙翰藻卷之十二

修靈濟宮疏

竊見本宮修造經行六載邇來東池水更
竭矣不作神人臨羨之樂屋上甌瓦闕少
萬餘遠近乞靈言苦不少豈無樂施之心
伏以築室三年難塞道傍之議為山九仞不
容一簣之虧惟我真人既明且靈凡爾同志
謹終如始斯宮是作厥功告成柰東池復有

水涸之虞於西銘豈無屋漏之愧滿眼十方
都是施主舉頭三尺便有神明母曰醴酒不
設於茅明既灌之餘或者木桂可補於藥籠
尚虛之數適所用矣迺有請焉數米一二而
炊自嫌我輩眼孔輸財百萬之計好發長者

心腸既是乞靈何妨喜捨

建神厨疏

伏以石相許立民間祠何帝千年德政陳侯
願宰里中社揭作萬古聲名此志不在於割
烹莫是禮欲嚴於祭祀具瞻新廟山川壯觀於

一方回視舊厨風雨飄搖乎四壁雖興廢之
有數然創立之在人昔也築室道傍今則架
緣至士謀謨神厨事則完成與美哉輪美哉
行者規模之弘遠飲於是食於是庶幾廟宇
之森嚴

御五

建餘慶堂疏

四十四

伏以五蘊俱空誰識三千大世界一切諸佛
都從方寸做工夫積善便是餘慶堂勸人也
著修福地好箇淨土曾見興隆元年建這明
樓少得中統寶鈔随心喜捨我佛證明今世

且結今世因緣一錢自有一錢功德斧彼鋸
彼亦須毀瓦畫墁經之營之佇看磨磚成鏡
敬修短䟽遍叩高門

修餘慶堂請僧為化主䟽

伏呂千百億化身刹刹塵塵俱成佛果十方

諸國上在在處處總是道場毋忽所見重所
聞必移於彼就於此有生皆得度故土不可
忘我大師本是鰲峯上人餘慶堂自有虎岩
香火有相無相况遇菩提果之緣勸緣募緣
喜得緊那羅之助曾既掛燈煉臂何妨割肉

捨身完修東壁西墻毋令旁風上兩規模壯
麗輪奐鼎新成始成終好箇無邊福德而今
而後了此一項因緣

修餘慶堂疏

伏以十方抄化南洲頭走到北洲頭幾載修

卷五

四十五

行東土住移來西土住本是佛種子莫咲老
比丘不辭開口告人難須信堅心做事易長
者布金號阿蘭若大家積善堂餘慶堂此為
定光負應道場須作見在未來因果自餘而
後惟新是圖頂鶴膝蘆擔愿弘深棟鳳簷翬

規模壯麗積土三萬擔所費乎多募緣數千
餘人其功浩大多拋寶鈔打破慳囊不為風
雨所飄搖益見龍天皆讚嘆敬憑短跡遍叩
豪門發菩提心大慈大悲大喜大捨有德福
相無數無億無量無邊自百至尾得完成舉
手加額長瞻仰

修慈濟宮跡

伏目渤海儲精現觀音菩薩三十二相桐城
顯跡有慈濟香火二百餘年
在處各立道場
總是一般名號這箇堂殿破也墮也興諸土

木難乎易乎仰千檀越證明不違衲子誓願
須有片瓦隻椽之助幸無此疆彼界之殊好
結萬人緣逢千里合大家喜捨即日完成鳳
鸞翬飛管取規模壯麗鷄鳴犬吠廣將經教
流傳是名青布之變羅復覩白雉之祥瑞以

此供養為累津梁福德不可稱量果報亦難
思議布金滿地曾聞須達多成佛之因焚香
告天願做華封人祝聖之謂敬憑短疏遍叩
高門

文興庵抽拈兼賽詩疏

伏以文興庵擬欲架椽興廢之數已定草堂
會難成畫餅行止非人不能比辱光臨未遑
款侍皇天后土此心可鑒良辰美景自古難
并如將舊店重開要與大家一笑諒惟四遠
總皆主故莫道再來不直文錢今之是前之
非事既往則不咎彼無惡此無斃願相見以
如新更不食言尚所進步

卿五

四十六

修鰲峯旗龍廟疏

伏以旗龍山得真龍穴路轉峯回釣鰲首湏
占鰲頭地靈人傑雖曰樹林陰翳自有古廟

森巖血食尸此一方香火傳於千載荒蕪之
日久矣興廢之數定焉惟新是圖協卜之吉
輦飛鳳彩不求過侈之功鷄鳴犬吠伏覩太
平之象神人俱喜里社相安謀則僉同力湏
與共念欲片椽之重建初非一木之可支凡
皆桑梓之陰豈無耒桶之助上戶中戶下戶
各辦肯心大書特書屢書何妨真筆多把至
元顯寫佇看天福康寧

修護境橋疏

伏以橋僅三百年基址壞數極難逃歲在十

一月徒枉成民未病涉筭肯心須憑長者立
大願實賴比丘輸餘粟捨餘財用之恒足積
善根崇善果理也可圖不曰成功乘時微利
往來客旅永無險阻之餘裔及子孫廣有綿
延之慶

卿五

修橋立抽拈䟽

四十七

伏呂補西壁修東墻工夫浩大先小人後君
子財義分明看來空口難言也着將本求利
巧婦無麵莫作饑飢行家相你曾喫鵝梨况
遇太平年何靳通行鈔三十籌不傷懷袖買

闡隨即對闡第一名真箇風流賽采都道喝
采信手拈來有些巴庇六親覩視不敢糊塗
眼前事沒澆沒欺世上錢常使常有千字文
打千字號彼此合同萬人中結萬人緣功德
完滿偶撰鄉談話起動子弟心

修路疏

伏呂驛路往來此萬里通衢之便塔橋咫尺
迺二鄉要害之衝近因洪水漲流是致坦途
幾險發心都要好獨步恐難行捨今不圖桑
田還復為海其積也漸拳石可以為山况遇

太平年何靳通行鈔賴有築堤之乎應無假
道之虞結衆因緣修此大家方寸地進身穩
當這是朝京第一程

修溪埤疏

伏以水有隄防何汎濫之為害田無旱潦瀕

豐稔之可期陵谷更遷歷年既久陰陽愆伏
遺患茲多茲欲仍築新堤務使復由故道萬
牛充石方可遮攔積貫崇墉則能捍禦雖曰
順勢而運智必也輸財而致勤毋分主佃高
低共計子孫長久敢請揮毫落紙便見舉插

如雲決諸東者則流諸西行於上者必效於
下引涇注渭莫辭乎勞瀚濟排淮亦必有道
成功可必千斯倉萬斯箱得福頗多一日富
二曰壽

建集福道場抄題疏

卿五

四十八

伏以天啓大明永紀萬年洪武人惟積善咸
膺五福平安矧今闡闡鄉閭履此昇平世道
同成善果各發肯心濟濟衣冠各請大揮椽
筆襍襍福德必祈誕錫士民值茲三月懺禳
永集四時吉慶曰耆曰艾俾熾俾昌

題祈禳醮疏

伏以垂氣異祥氣和是必消災而弥難天道
遠人道迹故有要惠以乞靈蓋舉念便有神
明然作事豈或無責名香異香初非土產之
土宜蠟燭華燈未免借光於鄰壁友助盍舉
鄉井之義安樂願聞治世之音是故君子思
患而預防勿以小惡無傷而不去祈禳在我
陰騭自天伏願鷄鳴狗吠之聲達乎四境鴻
範龜疇之福錫厥庶民豈不綽乎有餘裕哉
苟或善之有弗為也

迎五顯慶讚佛生日疏

伏呂一佛出世實為萬代所宗三界具靈俱
赴五通之會萬神歡洽四海瞻依恭惟佛位
行煉三祇因修十世維時四月八開莫莫之
祥錫慶九天再覩曇花之瑞分手指天指地

卿五

四十九

簇誓度聖度凡伏念某等感德何多知恩有
自或為編戶或借水居六情六欲之未除一
年一度而報謝中修淨供上請世尊大作證
明同乘悟會伏願如來現相不垢不淨不滅
不生諸福及人俾壽俾昌俾艾俾熾

題血盆會疏

伏以婦人以五漏體若養男育女未免艱辛
母氏有十重恩雖粉身碎骨亦難酬報或見
存者尚虧奉養或已往者未獲追修豈不有
所思乎盍亦反其本矣既為人子須識天倫

幸真人之亶聰明體太上而方便爰建血盆
大會依安懺悔玄科兩利存忘廣為濟度救
苦天尊即是慈悲施主謾言僧道元不相關
釋迦如來既曰老子後身其為功德不可思
議蓋在彼無惡在此無戮然弗慮胡獲弗慮

胡成可不如此作是津梁庶此得之以為證
印俾人人皈仰使會會周完浮黎土現出黍
米珠相去不離五丈地羽州池變作蓮花座
後來只在方寸間欲表誠請書事意

題為真人受封建羅天醮疏

伏以玉封一札荐膺師寵之榮銀印兩臺喜
拜國恩之侈自古未嘗有此于今不圖見之
雖是心堅石穿未免身輕脚重自覺再來半
錢不直聞道好事重疊何妨祇願如開元鑄
鐘休靳許中統文鈔常使常有成始成終我

也勉彊進步上竿頭汝也不須打鐵做門限
来来往往二千里路這因緣非偶因緣上上
下下七八年間此福德勝前福德若有善念
便發喜心

題為真人授仙簡疏

脚五

五

伏覩靈濟真人抵受天師省牒恩光寵厚
徽號闡揚香信雖曰浩繁禮數不容欠闕
敬憑短疏遍叩高門願成此項機緣便是
無邊福德

伏以廟食已四百年鰲峯顯相天封凡十六

字鳳篆成章黃童白叟所嘆呀大夫君子之
瞻仰欣欣有喜千千而來輒伸致請之忱曾
謂乞靈之驗半面總皆相識開口自覺難言
這箇緣豈無糜費龍虎福地此去何啻二十
程腦麝名香想也不是一捻土欲求天外事

須用世間財已發心未發心各把真心看待
將展手便展手咲他縮手趨起非敢外額需
求亦是前頭放過伏願題名登佛塔便教一
層一層高一層視聖效神嵩連呼萬歲萬歲
又萬歲下修人事上報國恩深慚俚語不文

勿以他辭為拒

又

伏臣作事於其初人皆為之踴踊臨財毋苟
免口將言而囁嚅剡茲簡據之榮煌欽若神
明於左右誰無歡喜意各有捨施心謂前後

御五

五十一

所入非不多亦悖而出若抄化之說弗可再
夫誰與謀胡為而來哉迫斯可見矣昔未勾
者毋負前約今再題者不必後言好事完成
諸福必至寥道士所結交於韓愈取善於人
孟嘗君不見責於馮驩必無負債

題為真人奉錄建醮疏

伏以 捍災禦患神之責不爽者正直聰明乞
靈要福人人常所欲者壽富安逸造物雖無
聲跡道法自有機緣恭為靈濟真人祇授大
洞寶錄上以告天祝聖下以護國安民須憑
消魔護正之科用作得道登真之徑盛德茂
以加矣黎民亦有利哉龍媒騶裊不失其馳
聊拆長蘆十萬之費烏犍黃犢各安爾業俾
膺洪範九五之庥各請傾心共成好事

題塑真人歸道扮疏

恭覩靈濟真人既登仙品合具仙粧昔之
袍笏國之寵也今之靴笠時之宜也二者
俱不容出姑存之俱不容舊也別就內殿
塑玄聖像唯道為身瑤碧雲冠飛光羽扇
昆今真莫非人力莫能先者應有禮成能

發布施心愛而助之為福德不可思議

伏以元明中現出真身共覩紫金色相倏忽
際寂無遺響何消泥土形骸惟是粧神似神
也着應格昔馬仕於晉衣寵涼之服今也祠
於魯冠章甫之冠雖效時粧難逃外議既蒙

天寵体式合用九章須假人為價直豈無一
貫應有檀越施主各賚金寶質心共謀而成
之為美亦多矣則恭敬在此豈咲貌為哉恭
祝當今皇帝與天齊壽願同萬國而拜冕旒
率土稱藩將見百蠻而衣冠帶

卿五

五十二

題青口塑神像疏

伏以兩闕森嚴舊占鰲峰六地四方瞻仰新
來青口一墩謾言祠宇卑污自有神通廣大
真身不壞特憑泥土合成空口難言可着鈔
兩備辨想你四行人物莫比一樣工夫既已

出頭便當展手伏侍香火都是弟子休說大
家細家恰着稻米上熟時年管取七富八富
這箇俚語粗魯祇要好事完成

題衣服疏

伏乞神為民之主豈不爾思衣乃身之章必

稱其服况靈濟廟稱正直神結鴉未甚好子
夏之羞縫掖深有愧仲尼之聖歲月已久何
妨靴笠更新事勢使然毋謂冠屨倒置軍旅
未遑俎豆貂蟬出自兜鍪隨時施宜誰曰不
可我有子弟可相與語大作檀越發歡喜心

百費未易支吾一錢也是布施穿針用線件
件都着工夫聚毛成裘人人同出氣力五彩
既彰於五色多福爰及於多才

又

伏以朱履星冠啓拜漢神天師之寵章甫縫

卿五

五十三

掖初非越人地土所宜欲効胡粧恐為褻服
自愧緼袍之衣敝擬作錦被以都遮何必待
寒而索裘任你逢場而作戲雖百孔千穿未
能補綻然千針萬線也用工夫你道再來不
直一文這番一運豈為多費既非鬼輸天雨

且得神喜人歡况遇樂歲豐年何必傾以茵
倒以廩豈謂隨波逐浪也須彈其冠整其衣
福不厭脩言無後議

題真人衣服被盜重造疏

伏以五代侯王之胄以直為神千年父母吾
鄉無端被冠緣貧民不顧非義使盛德乃至
失容剥座位之衣裳竊香火之器具敢欺暗
室不戒禍於覆車雖云暮夜無知未免一朝
之患允我祠事無着神羞共協都遮之謀莫
惜解為之費庶幾衆望如都舊章下笔如雲

成功不日有威可畏有儀可像瞻仰不忘積
善有慶積惡有殃報應不爽



共訓
子

